

حزینہ محاکمہ

جمعه ایرتسی

نومرو	رجب	سنه	مارت	سنه	صحیفه
۴۳۶	۴	۱۳۰۵	۵	۱۳۰۴	۴۷۹۴

(اشبو غزته بهر هفته جمعه ایرتسی کونلری چیقار سنه لکی درسعات ایچون مجیدیه یکر می)
 (غروش حسابیله التمش غروشدر طشره لر ایچون اون بش غروش پوسته اجرئی ضم اولنور بهر)
 (نسخہ سی ینہ مجیدیه یکر می غروش اولق اوزره یوز پاره به هر یرده صاتیلور درج اولنه جق اعلاناتک)
 (هر برندن برمجیدیه اخذ اولنور سنه لکنه مشتری اولق استیانلر عدلیه نظارتی دائرسنده کائن)
 (جریده محاکم اداره سنه مراجعت ایلملیدر)

توجیہات

قره مرسل قضاسی بدایت محکمه سی مقاولات
 محرر لکی حسنی افندی به
 قندره قضاسی بدایت محکمه سی مقاولات محرر لکی
 شا کرافندی به
 بعلبک قضاسی بدایت محکمه سی مقاولات محرر لکی
 حبیب افندی به
 امور حقوقیه قلبی میبیری عزتلو فائز بک حائز
 اولدیغی مدرسک رؤسک رتبه ملکیه به تحویلده
 عهدہ سنه رتبه ثانیه صنف ثانیه سی
 درسعات برنجی حقوق محکمه سی ضبط کتبه سندن
 رفعتلو منیر افندی به رتبه ثالثه
 خداوند کار مدعی عمومی عزتلو کال بکه رتبه
 ثانیه صنف ثانیه سی

قسمت سہمی

(اعلان مخصوص)

جریده محاکم طقوزنجی سندہ سی ختامہ
 رسیدہ اولوب سنہ سابق ابونہ لربنک مدتی
 منقضیہ اولمش واشبو اوننجی سندہ سی یعنی اوج
 یوزدرت سندہ سی ایچون دخی درت یوز اوتوز
 التجی نومرودن اعتباراً کافی السابق نشر بنہ
 دوام اولہ جغی بدیہی بولنمش اولدیغندن ابونہ
 تجدیدینی آرزو ایدنلرک معلومی اولق و بدلی
 بروجہ پشین تأدیہ ایله اداره مزہ اعطای معلومات
 قلمتق اوزره اعلان کیفیتہ ابدار اولندی

در سعادت بدایت محکمه سی ایکنجی حقوق
دائرة سی باش کاتبی رفعتلو توفیق بکه رتبه ثالثه
سومبکی بدایت محکمه سی ریاستی کریمه بدایت
محکمه سی ریاستدن مستعفی رفعتلو صادق افندی به
قالونیه بدایت محکمه سی ریاستی وان مستظفکمدن
مستعفی خلوصی افندی به

حکاری مدعی عمومی معاونلیکی سعرد مدعی
عمومی معاونی محمد عطا افندی به

سعرد مدعی عمومی معاونلیکی حکاری مدعی عمومی
معاونی محمد طاهر افندی به توجیه بیورلمشدر

(فی ٢٧ جاذی الاخره سنه ١٣٠٥ و فی)

(٢٧ شباط سنه ١٣٠٣ تاریخنده ولایات)

(مدعی عمومی بیکرینه تسطیر اولنان تحریرات)

(عمومیونک صورتیدر)

بالعموم تأرینک مفوض عهدیه مأموریتزی اولان
امور ومصالحی احکام قوانینیه وقاعده عدل
وحقانیته توفیقاً رؤیت وقاعده بیطرفی به رعایت
ایله مطلوب وملتزم عالی اولان صیانت حقوق
عبادقضیه سنه مزید اعتنا وغیرت ایتملی لازمه دن
اولدینغی حالده بعض مأمورینک نظامات دولت
وشان حکومتیه موافق اولمیه جق حرکات
ومعاملاته تصدی ایله اصحاب مصالحک شکایاته
سببیت ویرمکده اولدقلمری نظر تأسفله کورلمکده
اولدینغه وبوکلی احوالک قطعاً مقارن جواز
ومصادف نظر مسامحه وانغاض اولمیه جنجی

در کار بولندینغه مبنی بعدما خصوصات ومعاملات
واقعه نک قوانین موضوعه واصول مرعیه
دائرة سنه وصورت عادلانه وسرعه ده رؤیت
وتسویه سنه اعتنا وهیج برطرفک بحق شکایتیه
محل قلامق وبلا موجب تأخراته دوشورلمامک
اوزره تقیدات کامله اجرا اولمقی و عکس حالات
ایقاعیه شکایات ظهورینه سببیت ویرن مأمورین
حققرنده تحقیقات اجرا ایله لازم کلان معامله نک
ایفاسنده دقیقه فوت اولمیه جفندن اکاکوره
حرکت وحسن اجرای وظائفه حصر نظر
اهتمام ودقت ایلمک اوزره بالاراده سانیه
جناب ملوکانه تبلیغ وصایایه ایتار واشبو
تحریرات عمومیونک نسخ مطبوعه کایه سی ده لافاً
تسیار اولمقله داخل ولایته لازم کلنره مسارعه
تبلیغ کیفیته اعتنا وهمت اولمقی

قسم غیر رسمی

(محکمه تمیز جزا دائرة سی)

تحت نکاحده بولنان برقادین اخر له بالرضا
فعل شنیع زنا اجرا ایدرایسه حقننده ترتب ایده جک
جزانک زوجنک کندوسنی تکرار المغه راضی
اولمسیله ساقط اوله جنجی حقننده قانون جزانک ایکی یوز
برنجی ماده سنک حکمی شریک تهمته دخی
شاملدر

ارضروم ولایتی محکمه استینافیه سی جزا
دائرة سنندن علیهنده ویریلان ١٤ شعبان سنه ٣٠٣
و ٦ مایس سنه ٣٠٢ تاریخ ویکرمی التی نومرولی
اعلامک تمیزی بغدا دی زاده محمد شکری
امضاسایله ویریلان عرضحالده استماع قلمسی
اوزرینه اعلام مذکور ومتفرعاتی واستدعای
مذکور شرئط تمیزی بی شامل اولدینندن بحث
ایله قبولنی حاوی محکمه تمیز استماع دائرة سنک
مذکره سی باش مدعی عمومی ملک مأموریت علیهنده سنندن
١٣ رمضان سنه ٣٠٤ و ٢٣ مایس سنه ٣٠٣
تاریخ وایکیوز التمش نومرولی تبلیغنامه ایله
کوندرملکله مطالعده اولتمش واعلام مذکورک
خلاصه مآلی عساکر شاهانه ملازملرندن اسماعیل
افندیکنک تحت نکاحنده بولنان عصمت حاتم ایله
شکری افندی بیننده بالرضا فعل شنیع زنا وقوعبولد
یعنی ثابت اولدینندن مومی ایله اسماعیل افندی
مزبوریه المغه طالب اولهرک قبول ایتدیکنندن
یالکز مرقوم شکرینک قانون جزانک ایکی یوز
برنجی ماده سی علاوه سنه تطبیقاً سکز ماه مدته
حبسنه وقرق عدد لیرای عثمانی جزای نقدی اخذ
وتحصیلنه دائر بدایه ویریلان قرارک استینافاً
تصدیق قلمدینغی بیاندن عبارت بولتمش ومستدعی
مرقوم طرفندن اعطای قلمنان ایکی قطعه لایحه
اعتراضیه مندرجاتی مدعی مرقومک ادعای
زوجتی تاریخندن مقدم مزبوره عصمت ناموز
دلایسی اولوب مزبوره نک والده سنندن یاخود

اقامتکاهلرندن تدقیق وتحقیق ایلدیکنی حالده
کیفیتنک درجه ثبوتیه واصل اوله جنجی درکار
ومدعینک ادعای واقعی وجه ایله فعل جعینک
زنا قبیلنه جل ایله مبه حکمی بدیدار ایکن بوجهت
مسکوت عنه براغلدینغه وادعای زوجینک صحنه
دائر مدعی مومی ایله طرفندن محکمه شرعیده
اقامه ایلدیلان اویج نفر شهودک اخبارت واقعهری
بی اساس اولوب چرنکه شهود مرقومه
مدعینک برادری ودائیمی وانشه سی بولندقلمندن
افاده لرینه قانوناً التفات ایله مبه جکنه ومزبوره بی
بمقتضای شرع شریف اولجه عقد نکاح ایوب
بعده مقارنت ایلدیکندن وخصوص مذکور
مزبوره ایله کنیدیسی معترف وبوحالده براتی
ظاهر ومحقق ایدوکنندن مقارنت مذکورهنک فعل
شنیع زنا به جلیله قانون جزنک ایکی یوز برنجی
ماده سی علاوه سی موجبجه جزا کورمسی
مغدور بتنی مسلمزم بولندینغه ومدعی اسماعیل
اغانک حیلله ودسیسه ایله محکمه شرعیهدن الدینغی
اعلام شرعی حکمنه دخی مزبوره ط فندن عدم
قناعته تمیز دعوی اولتمش وبو صورته خجالتی
ظاهر اوله جنجی ادراک ایتکله مؤخرأ دعوی
واقعه سنندن نکول ایش اولمغه ومع مافیله مزبوره
عصمت زوجه مسکوحه مشروعه سی اولدینغی
جهتله عرض دعواسنه حق وصلاحیتی اوله بیوب
ارلسه بیله بدایت محکمه سی حضورنده زوجیه
قبول ایتسی وایشده جبروشدت وانغمال کبی

برسبب بولتیوب محضاً مزبور طرفندن کوستریلان
ارزو و رضایه مستند اولدیغی حکم لاحظه
مندرج ایکن مزبور نك زوجی طرفندن قبول
ایدلسندن طولایی سقوط جزایی و کندیسنک
حبسی و جزای نقدی اعطاسیله محکوم ایدلسی
تطبيق ایدیلان ماده قانونیه ایله تألیفی غیر قابل
حقاً یقندن عدالت قانونیه مغایر احوالندن
بولندیغی و بناء علیه ماده قانونیه دهکی (زوج
زوجه سنی تکرار المغه راضی اولور ایسه بوجز انک
حکمی اسقاط ایدر) عبارسی شریک تهتمه دخی
شامل اوله جغی بدیهی اولدیغی حالده محکمه جده سوء
تفسیر ایدلدیکندن و سائر اعتراضاتندن بحث ایله اعلام
مذکورک نقضی مستدعی اولوب سالف الذکر
تبلیغنامه ده دخی مستدعی شکری افندیکنک ۱۲ مایس
سنه ۳۰۲ تاریخلی تمیز لایحه سیله مؤخر اویردیکی
۳ تموز سنه ۳۰۳ تاریخلی علاوه نامه مندرجاتی
شایان قبول اولوب چونکه مزبور زوجی طرفندن
اخذ و قبول اولندیغنه و تطبيق اولنان ماده
قانونیه ده زوج زوجه سنی تکرار المغه راضی
اولور ایسه جزانک حکمی اسقاط ایده جکی محرر
اولوب بونک شریک تهتمه دخی شمولى بولندیغنه
بناء اصول محاکات جزایه قانونک اوچیوزاون
دردیجی و اوچیوزاون طقوزنجی ماده لری موجبجه
اعلام مذکورک نقضی طلب اولمش اولمغله محکمه تمیز
جزا دائره سی اسباب آتیه یه مبنی غره جاذی الاخر

سنه ۳۰۵ و ۱ شباط سنه ۳۰۱ تاریخلی
ویک اوتوز اوج نومرولی قرار ایله اعلام مذکور
نقض ایشدر
اوراق سائر دخی قرآتله تدقیقات تمیزیه جراسنه
ابتدار اولندقده واقعا مزبور عصمتک ملازم
اسماعیل اغازوجی اولدیغی و مؤخر اینلرنه مخالفه
وقوع بولدیغی محکمه شرعیه دن و یریلان اعلام
ایله ثابت اولمش اولسنه نظراً بوبابده کی
اعتراضات غیر وارد ایسه ده سالف الذکر بلیغنامه
ولایحه ده طلب و بیان اولندیغی اوزره قانون
جزانک ایکوز برنجی ماده سی علاوه سنده محرر (زوج
زوجه سنی تکرار المغه راضی اولور ایسه بوجز انک
حکمی اسقاط ایده بیلور) دیو محرر اولسنه
ومرقوم شکری حقنده لاحق اولان حکم هنوز
کسب قطعیت ایتماش بولسنه نظراً بوبابده در میان
اولنان اعتراض بجا اولمغله اصول محاکات جزایه
قانون موقتک اوچیوز اون درت و اوچیوز اون
طقوزنجی ماده لریه توفیقاً مذکور اعلامک سبب
مذکوردن طولایی نقضنه و اوراق مرقومه نك
محلنه اعاده سنه و خرج تعرفه سنک اوتوز سکزنجی
ماده سی منطوقجه ایکی یوز غروش نقض اعلامی
خرجنک اخذینه و مستدعی تمیز شکری طرفندن
مقدما محلندن کوندر یلوب یوز یتش سکزیمرولی
قوچان ایله عدایه و زنه سی شعبه سنه تسلیم قلندیغی
قیداً اکلایشیلان بش عدد لیرای عثمانی جزای

نقدینک مرقوم شکری به اعاده سنه اکثریت ارا
ایله قرار ویرلدی

- (بتلیس ولایتی اداره مرکزیه سنه مربوط)
 - (اخلاط قضاسی قرارلندن کزواک)
 - (قریه لی ارتین و اوخانسیک قتلندن و قره بت)
 - (ایله لونک جرح اولنلر نك طولایی هیئت)
 - (اتهامیه جه اتهام ایدیلان جزیره لی احمد)
 - (بن علی و عبده بن عمر و درویش بن علی)
 - (و موسی بن حیدر و عبدالرحمن بن یوسف)
 - (وحاجی بن یوسفک محاکمه لری حقنده)
 - (مرکز بدایت محکمه سی جزا دائره سنک)
 - (جنایت درجه سنده طوتیلان ضبط)
- (ورقه سندن مابعد)

نادر بوکوردلر میانندن بریسی یار الدی
اولوقت قورقومدن فرار اوزره بولندیغ ایچون
تعیین و تشخیص ایده مدم
رئیس (مدافعه وکیلنه و ترجمانلری واسطه
سیله متهملره) بوادمک ذات ووقوع بولان
اخبار ینه قارشو دیه چک کز وار ایسه
سویلیکز
مدافعه وکیللی خلیل افندی حضور محکمه ده
استماع ایدیلان شاهدلرک شهادتنه و تحقیق انک

روش و ماهیتنه نظر امدافعه لریچون وکیل اولدیغ
موسی و عبدالرحمن و درویش وحاجی حقنده
اصلاً مدار اتهام اوله جق بر دلیل و اماره وجوده
کلها مکله و ضبطیه لره مقاومت و مقابله مسئله سیده
عقلاً و وجداناً خلاف واقع بولمغله بر اثر لری لاز
مکوردیکر احمد و عبدالله حقندکی شهادت ایسه
مدعی شخصی و شاهدلرک تصویر ایدلرکی ذات
وقعه جه و شهادتجه اختلاف و مبايئت تامه حاصل
اولدیغی جهته لینه تأثیرات حکمیه دن خالی قالمقندن
ناشی بویوزدن و عقلاً تصدیق ایدیله میه چک بر
درجه بی کسب ایدن شهر سلاحدن انلر کده
براشی لاز مکمش و کویلولره منازعه جهتی ایسه
کندلرندن ایلر و کتمش اولان رفقعلاری و کاربان
خلقیله و قوعبولوب انلرک من الوجوه مدخل
ومعلوماتلری لاحق اولماشدر شوصورتله
بر اثر بی طلب ایده رم
رئیس عقلاً تقلا کی سوزلریکی بر افکرتده
قانون نامه مدافعه کزک ابرادی زمان و مکاندر
سویلیکز
مدافعه وکیللی مدافعه لرم بونلدر بر اثر لینه یاردم
ایدر اسبابدر
رئیس (مدعی عمومی معاونی افندیه خطاباً)
تحقیقات بوندن عبارت کورینور افاده و مدافعه لر
اوزرینه تعمیق ایدیله چک جهت کورنیمور
مطالع کزی بیان بیورکز
مدعی عمومی معاونی طلعت افندی متهم اشبو

احمد و عبدالله و درویش و موسی و عبد الرحمن
 و حاجی و مدافعه و کیلی تبغوت قریه سندن نان
 عزیز الهرق کاربانلرینه ایرشیک اوزره کتمکده
 ایکن اولجه متول و مجروح و رفیقلمله دیگر برکاربان
 خلقی منازعه بدرک کندولریک دردست ایدلمش
 اولدقلربی بیان بیلکده ایسه لرده مشتکیلرک
 تصویر ادما و کوبلودن نادر و قزر و مارکوسک
 اخبار و ضبطه سید احمد و پولادک شهادتیه
 میدانده بولندیغی اوزره حین دردستلرنده حیدود
 مقوله سنه مخصوص اولار شمع و کبریت و دقیق
 و ساره کبی شیلرک اوزرلرنده بولنمسی و جله سنک
 ششخانه تفکله مصلح اولمسی و اشبو و قوعادن
 صکره بولده تصادف ایدن برکوردک اولجه
 بولردن کوردیکی فذاق اوزرینه متهملرک بوزینه
 توکورمسی و حالاجززه قصاسنده بر او ده خیمه
 نشیر اوله رق ساکن بولندقلربی بالبان توطن
 ایدکلری محلی بیله ارانه ایده ماملری دلائلی ایله
 مشهور مرقومونک الله ایدبله مامش اولان مجهول
 الاسم و چغفر فیکرله برای غصب و غارات بوحوالی
 یه کچه رک قرلرده طاغرده طولاشتمده و تصادف
 ایده جکلرینه ایصال دست خسار ایتکده اولدقلربی
 شبهه دن وارسته برحاله کوستریکده در موضوع
 بحث و تدقیق اولان اشبو قتل و حرح مسئله سنه
 کلجه مضبطه اتهامیه و متفرعاتدن و بالحا که جریان
 ایدن تحقیقات و تدقیقات نتیجه سندن مستبان اولدیغی
 وجهله متهمون مرقومون بوجه مجووث اجرای

اولوب بریسی قاتل مرقومانه معینک و دیگریدیخی
 ضبطیه لره سلاح انداخت ایتک ماده لری اولوب
 بولردن آغرجزایی مستلزم اولان فعللریله تجریم لری
 و حقیقنک اسباب مشده دن عد اولنمسی مقضیات قانونیه
 دن بولندیغندن و هیئت اتهامیه مضبطه سنک قرار محکمده
 اکر چه جله سنک حرکتلری رکوستریلوب قانون
 جزانک یوزتیش دردنجی ماده سنه تطبیق اولنمش ایسه ده
 اولباید برکونا ایضاحات و برلماش اولسنه مبنی
 معینلر حقنده کی تطبیقاً نتیجه سهو و ذهول واقع
 اولمش اوله جغندن صور معروضه یه و مضبطه
 مذکوره مندرجاتنه نظراً مجریمتینه قرار اعطا
 سنی و موجود سلاح لری حقنده یایله جق معامله نک
 دخی ابروجه بامذکره بیان و اشعار بیورلمسنی طلب
 ایدرم مدعی عمومی
 رئیس (مدافعه و کیلنه و ترجمان واسطه سیله
 متهمله) جریان ایدن محاکمه نک اشاح ایده جکی
 تفصیلاتی دکله دبکز صوک حاکزی محافظه ایدیکز
 یعنی نه دیه جکسکز بوانده سوبلیکز
 مدافعه و کیلی اول و آخر عرض ایتدیکم مثلو بولنر
 نمرود طاغنده دردست ایدلیوب آجق مرکه عمومی
 اولان محله منازعه دن بی مدخل اولدقلری حالده
 دردست اولمشلر و قوعبولان شهادتله علیه لرنده
 تأثیرات حکمیه دن وارسته برحاله در برائتربنی طلب
 ایدرم متهم احد اولجه افاده ایددیکم کبی منازعه دن
 علمز لاحق دکدر بزدن ایلوو کاربان خلقیه
 منازعه اولنمشیکن ضبطیه لرکوب بزی دردست
 ایتدیله دیه حکم بودر
 متهم عبدالله اول و آخر بیان ایتدیکم مثلو و قوعبو
 لان منازعه بزدن ایلوو کتمش اولان کاربان خلقیه واقع

اولوب بزم برکونا مدخل و معلوماقز اولدیغی حالده
 سببسن اوله رق ضبطیه لر بزی دردست ایتدیله موسی
 نه منازعه دن ونه ضبطیه لره شهیر سلاح دن علمز لاحقدر
 حاجی هیچ بر وجهله منازعه و تشهیر سلاحدر
 مدخلز بوقدر عبدالرحمن بزم قطعاً علمز لاحق دکدر
 درویش رفقامک دیدیکی کبی منازعه و تشهیر
 سلاح ماده سنده بیدخلز طرفینه و قوعبولان سؤالده
 خارج ضبط بر دیه جکلری اولمسی اکلشغله
 محاکمه نک ختام بولدیغی تفهیم و وقتک عدم مساعدتسی
 جهته مذاکره کیفیتی شهر کانون اولنک اونجی
 پنجشنبه کونسه تعلیق اولنمسی
 محکمه ججه بواریق محاکماتک و قوعی تخصیص
 قلمن ۱۰ کانون اول سنه ۳۰۳ تاریخنه مصادف
 اولان پنجشنبه کونی مذاکره جهنتک وجوده کلنه
 مانع اولوب بویوزدن برقا کونلرنا خرایتشیدی
 شهر کانون اولنک اون سکرنجی ججه ایرتسی کونی
 هیئت محکمه مذاکره اوله سنه کرکله اولباید
 طرفینک ادعا و مدافعاتنی شامل اولان اوراق موجوده
 نک مطالعه و تدقیقندن صکره ایجاب کیفیت لدی
 المذکره متهمون مرقومون هر نقدر علیه لرنه
 اسناد اولنان قتل و معاونت و ضبطیه لره مقاومتده
 کی فعل و حرکتربنی انکار ایتکده ایسه لرده اشاع
 منازعه ده بولردن مرقوم احدک ایشلیدیکی
 تفنکنک قورشونی مرقوم ارتینک کوبکی آتته
 اصابتله متأثر اوقات ایددیکی نادر طرفندن و مر
 قوم عبدالله که کذلک ایشلیدیکی تفنکنک قورشونی

مرقوم اوخانسك كو كسنة اصـ ابته متائراً وفات
 ايتديكى قزروماركوس طرفلرندن مع الخلف بالمواجهه
 اخبار اولمسنه و طاغدن ايشتمد كرى فریاد اوزرینه
 تحرى كیفیت ایچون سرعته طـ اغ جهتنه كیتد
 كرىنی بیان ایدن ضبطیه احد و پولد دخی كذر
 كاهلرنده بری كوكبكندن و دیگرى بوغازندن مجروحاً
 برده اولدقلىنی كوردكرى ایكى ارمنى كندولرینك
 جارحلى فرار ایدن كوردلر اولدیغنی سويلككه
 حقیقه اوصرده طاغه طوغرى برطاقم اشخاصك
 فرارلرینی كوروب بانعقیب اشخاص مرقومه
 طقوز نفر اولدقلى حالده تحصن ایتدكلى
 بره غارده كندولرینه مقاومت و تفنك اتسنه
 جسارت ایتش ایسه لده بالاغفال التى نفرى
 در دست اولنه رق دیگر اوچ نفرى فرار ایلدكلىنی
 و درویشدن ماعداسى مسلح اولوب سـ لحرلى
 ایله برابر چله سی اخلاط حكومتنه تسلیم اولدیغنی
 هر برى شهادت ایتلرینه و اساساً كویلولرله
 منازعه لری وقوعه اولوب اوصرده بر قاج ادمك
 یره دوشمش و جارحلى كیملر اولدیغنی بیله ماش
 اولدقلىنی متهمون مرقومون دائرة استنطاقده
 اقرار ایتش ایكن حضور محكمه ده بوبابده تحویل
 لسان ایللرینه نظراً متهمون مرقومونك انكارلى
 ووكیل مرقومك مدافعانى واهى اولوب مدعى
 عمومى معاونك ادعاسى وجهله مرقوم احد
 مرقوم آرتینك و مرقوم عبداللهده مرقوم

اوخانسك قاتللىرى و موسى و حاجى عبدالرحمن
 دخی معینلىرى ایدوكى و ضبطیه لره تنهیر سلاحه
 مقاومتده بولندقلى تحق ایدرك بولرك بجر میترینه
 و قره بت و لونك جارحی تعیین بده مدیكندن
 دیگر درویشك دخی اوزرنده تفنك و اسلحه دن
 برشى بولندیغنه مبنی مجرمینه كافی اسباب و دلائل
 كوريله مدیكندن انك دخی برائنه و ایكوز طقسان
 ایكنجى ماده قانونیه موجبـه بشنه برسبيله
 موقوف دكل ایسه تخلیه سنه متفقاً قرار ویرله رك
 اولساده تنظیم اولنان قرارنامه عنـاً قرائت
 اولندقه معاون موسى الیه طلعت افندی مرقومان
 احد و عبد اللهك قانون جزانك یوزیتش
 در دنجى و مرقومون موسى و عبدالرحمن و حاجینك
 دخی یوزیتش بشنجى ماده لری موجبـه تعیین
 محازاترینی و وکیل مرقوم دخی تخفیف جزارینی
 طلب ایتسینه مذاكره اوطه سنه عودت اولندی
 جهت جزایشه لری لدی المذاكره مرقوم احد
 مرقوم آرتینی و مرقوم عبدالله مرقوم اوخانسى
 قتل ایلدكلى ثابت و مرقومون موسى و حاجى
 و عبدالرحمنكده معین و ضبطیه لره مقاومتله شهیر
 سلاح ایلدكلى متحق اولغله مدعى عمومى
 معاونى افندیك ادعاسى وجهله مرقومان احد
 و عبداللهك حرکتلى جزا قانوننامه همایونك
 یوزیتش در دنجى ماده سنك فقره اولسنه موافق
 اولدیغنه و فقره مذكوره ده (برکسه من غیر تعهد
 بر شخصی اتلاف ایتش ایسه اون بش سنه مدتله

(بازید سنجاغی بدایت محكمه سی جزا داره سنى)
 (تشكیل ایدن رئیس و كلی اعضاء بغدادصار)
 (افندی و اعضا اسماعیل و قالوست و اعضا)
 (ملازملى عبد الوهاب و مصطفى افندیلردن)
 (مركب هیئت حاكمه اشـبو اوچوز اوج)
 (سنه سی ماه كانون اولینك ایكنجى كونی مجاكمه)
 (اوطه سنده عقد اجتماع ایدرك یكن اوچوز)
 (ایكى سنه سی ایلونك اون ایكنجى كونی)
 (ساعت سكرده بازید داخلنده كولك كدیكى)
 (تعبیر اولنان محله روسیه دولت فحیمه سی)
 (تبعه سندن و ایكدر قضاسى اهالیسندن ارسین)
 (و کیورق و پیدروس نام شخصلرك مسلمان)
 (اوكلرینه چیقهرق كندولرینی در دست)
 (و معامله جبر و شدت اجرا سیله اسب و اشیارینی)
 (غضب و نهب و مرقوموندن پیدروسى باشندن)
 (قه ایله جرح و آرسین و کیورق دخی یكدیكرینه)
 (معاوتله خنجر و تفنك قورشونيله جرح)
 (و قتل ایللرندن طولایى مظنون علیهم بولنان)
 (بازیده تابع توركن قریه لى شادیا نلى عشرتندن)
 (محى اوغلى صالح و قره بولاق قریه لى جلالى)
 (عشرتندن علی اوغلى محى و برو اوغلى حاجى)
 (و قوطانلى عشرتندن جلال قریه لى چولاق)
 (عمر اوغلى فرارى عثمانك جنایتله اتهملرینه دائر)
 (ارضروم ولایتی هیئت اتهمیه سندن تنظیم اولنان)
 (محاكمه عانیه سنك ضبطنامه سی صورتیدر)

بازید سنجاعی بدایت محکمه سی جزا داره سی
 تشکیلی ایدن رئیس و کیلی اعضادن بغداد
 افندی و اعضادن اسماعیل و قالوست و اعضا
 ملازمه لری عبد الوهاب و مصطفی افندی لردن
 مرکب هیئت حا که اشبو اوچبوز اوچ سنه سی
 ماه کانون اولنک ایکنجی کونی محاکمه او طه سنه
 عقد اجتماع ایدرک پکن اوچبوز ایکی سنه سی
 ایلولنک اون ایکنجی کونی ساعت ساکنده بازید
 داخلنده کولک کدیکی تعبیر اولسان محله روسیه
 دولت فحیمه سی تبعه سندن و ایگدر قضاسی
 اها ایسندن ارسین و کیورق و پیدروس نام
 شخصلرک مسلماً اوکلرینه چیه رق کندولرینی
 درست و معامله جبر و شدت اجرا سیله اسب
 و اشیلرینی غصب و نهب و مرقوموندن پیدروسی
 باشندن قه ایله جرح و آرسین و کیورق دخی یکدیگرینه
 معاونتله خنجر و تفنگ قورشونیه جرح و قتل
 ایلرندن طولای مطنون علیهم بولسان بازیده تابع
 تورکن قریه لی شادیانلی عشرتندن محی اوغلی صالح
 و قریه بولاق قریه لی جلالی عشرتندن علی اوغلی محی
 و برو اوغلی حاجی و قوطانلی عشرتندن جلال قریه لی
 چولاق عمر اوغلی فراری عثمانک جنایتله اتهاملرینه
 دائر ارضروم ولایتی هیئت اتهامیه سندن تنظیم
 و اعطا قلندنان فی ۲۹ نیشان سنه ۳۰۳ تاریخ
 و یگرهی طقوز نومرولی مضبطه ایله بازید سنجاعی
 بدایت محکمه سی مدعی عمومی معاونلکنک فی ۲۸
 مایس سنه ۳۰۳ تاریخ و اون اوچ نومرولی اتهام

نامه سی اوراق متفرعه سیله محکمه مزوره جزا
 داره سنه تودیع اولمغله مطالعه و قرائت ارنه رق
 تفصیلاتی اولب ابد طوتیلان ضبط ورقه لردن
 مستفاد اوله جغی اوزره بولردن حاجی فی ۱۰
 مایس سنه ۳۰۳ تاریخده توقیفخانه ده وفات
 ایلدیکی اولب ابد کی فی ۱۲ مایس سنه ۳۰۳
 تاریخلو ژاندرمه اداره سنک زور نالندن و معامله لی
 اوراقدن اکلشیلغله اصول محاکمات جزایه
 قانون موقنک ایکنجی ماده سی حکمنجی بونک
 حقنده تعقیب تحقیقاته محل قالمدیغندن مرقومان
 صالح و محی اصول مذکورک ایکیوز قرق کزنجی
 و ایکیوز قرق طقوزنجی ماده لرینه توقیف
 خانه دن جلب ایله استجواب و مدافع لرنده معاونت
 ایتک اوزره بر وکیل انتخاب ایتلری تکلیف
 اولندقدن خان بابا افندی سنک و کالتنی طلب ایتلری
 اوزرینه قبولنه تعلیق و ادعای مفسوخیت حقنده
 اولان ایکیوزالی برنجی ماده سی مندرجاتی اخطار
 و مرقوم فراری عثمان حقنده ده اصول مذکورک
 اوچبوز آلتش برنجی ماده سی دائره سده قرار
 نامه تنظیم و تسبیح اولنهرق مدت معینه قونیه نک
 انقضاسنه و مرقومان محی و صالح طرفلردن
 مفسوخیت ادعاسی و قوعبولدیغی کبی عثمانک
 دخی قانونه عدم اطاعتله اثبات وجوه ایتدیکی
 اکلشیلسنه بناء تعیین فلنان اوچبوز اوچ سنه سی
 کانون اولنک ایکنجی کونی متهمان مرقومان
 اوچبوز آلتش اوچجی ماده سی دائره سنده توقیف

خانه دن جلب و وکیل منصوبلری خان بابا افندی
 بولنده مدیغندن طلب و اقلری اوزرینه کامل افندی
 بالئوکیل اعداد و مدعی عمومی معاونی رفقی افندی
 و تبلیغات اجرا قلندیسده پیدروس و رودا تیمه رک
 بالوکاله برادری قنار آغا و کیورق پدیری کشیش
 اوخانس و آرسینک عمجه سی دیگر قنار آغا
 حاضر اولدقلری حالده غیاباً و وجاهاً و علناً اجرای
 محاکمه یه لدی الابدان متهمان مرقومان سویلتدیرلرکده
 ترکیه تعاطی اجوبه به مقتدر اوله مدقلری اکلشیلغله
 عباس اوغلی او توز یاشنده بازیدلی طاهر افندی
 بعد التخلیف ترجان تعیین و استجواب ایتدیرلرک لرنده
 بولردن محی بازید قریه بولاق قریه لی علی اوغلی یگرهی
 یاشنده ورنجبر و متأهل و چوچقلی و قریه مزورده
 مقیم اولدیغنی و صالح دخی بازیده تابع تورکن
 قریه سنده متولد و مقیم و او توز یاشنده ورنجبر
 و کذلت متأهل و چوچقلی بولندیغنی سویلتلریله
 کندولرینه و وکیللرینه قانون مزبورک ایکیوز آلتش
 درنجی و ایکیوز آلتش بشنجی ماده لری مدلولاتی
 بعد الاخطار مضبطه اتهامیه ایله اتهامنامه و اون
 کون مهلی حاوی قرارنامه و بونک تعلیق و تشهیرینی
 ناطق اولان ضبط ورقه سی ضبط کاتبی محمد شفیع
 افندی یه قرائت ایتدیرلری
 مضبطه مذکورنک خلاصه مالی مرقومون صالح
 و محی و حاجی و عثمان نام شخصلرک بالرافقه
 کوندز بن مسلح اولدقلری حالده کولک
 کدیکی تعبیر اولسان محله ارسین و کیورق

و پیدروسه بالتصادف درسته معامله جبر
 و شدت اجرا ایدرک انصب و اشیلرینی غصب و نهب
 ایتدکدنصکره مرقوموندن پیدروسی قایله
 باشندن جرح و آرسین و کیورق یکدیگرینه
 معاونتله خنجر و تفنگ قورشونیه جرح و قتل
 ایلد کوری محی و حاجی و صالحک طایعاً و قوعبولان
 اقرارلری و عثمانک فرار ده بولمسی و مؤخرأ
 مجروح مرقوم پیدروسه مرقومون اراده اولندقدن
 تشخیص ایتسی و کشفنامه و طبیب طرفندن وریلان
 راپودتونک دلالتی ایله تحقیق ایتش اولدیغنه
 و حرکتلری قانون جزانک التمش ایکنجی ماده سنک
 ذیلی حکمنی استلزام ایلدیکنه بناء جنایتله اتهاملر
 ینه قرار ویرلدلرک کبی حاوی و اتهامنامه نک نتیجه
 مؤدیسی دخی مضبطه مذکورده و جهله
 مرقومونک جنایتله متهم بولندقلری بیانی محتوی
 و مرقوم عثمانک اقامتگاهنه تبلیغ اولمان قرارنامه نک
 مضمونی دخی دائره اتهامیه حکمنک اقامتگاهنه
 تبلیغی تاریخندن اعتباراً اون کون ظرفنده محکمه یه
 کلدیکندن قانونه اطاعتله کلسی ایچون مجددأ اون
 کون ده مهل اعطا قلندیغنی و ضبطنامه نک
 مندرجاتی دخی مذکور قرارنامه اصول مذکورک
 اوچبوز ایتش برنجی و اوچبوز ایتش ایکنجی
 ماده لری حکمنجه اشاعه و اعلان ایلدیکنی
 متضمندر
 قانون مذبورک ایکیوز التمش التنجی ماده سنه
 توفیقاً اتهامنامه نک مالی متهملره تقیم و معاون

مومی ایله طرفندن دخی اسباب اتهامی بیان و تشریح اولندقدن صکره مرقومان سویلتدیرلده کده اقدججه روسیه تبعه سندن یزیدی طائفه سی طرفندن سرقت اولنان حیوانلرینی طائفه مرقومه تاجرلرینک ایچندن قاچروب کتورمک اوزره بالاتفاق دیکر رفیقاری متوفی حاجی و عثمان نکهده خانلرینه کیدرک برلشهرک کولک کدیگی تعبیر اولنان محله عزیمت و مرقومون ارسین و کیورق و پیدروسک کلوب کچه جکارینی کورکارنده یزیدلره خبر ویرماملری ایچون دردست و توقیف ایتدکاری بنی و فعل غضب و قتله عدم جسارتله رفیقاری مرقومان حاجی و عثمان طرفلندن ایقاع ایلدیکنی و هر نقدر منعه قیام ایش ايسه لده مقتدر اوله مدقلمرینه و کندولر بنی ده قتل ایده جکار بنی اکلادقلمرینه مینی همان هر بری بر طرفه قاچدقلمر بنی متحد الماک اوله رق بیان و اصرار ایلدیلر ورقه تحقیقه ده مضبوط اولان صالحک افاده سی قرائت ایتدیرلده کده روسیه ده برشقاوت ایشک اوزره عزیمتله مرقومون اوچ نفر ار حایه بالتصادف دردست و اوزرلنده کی قرق التی مناط ایله برمجیدی یه و پرمقرنده که یوزکلی و برریوولور بنی غضب و کندولر یله اسبلرینی آله رق بردر یه کتوررک محی ایله بر تپه یه چیقه رق دید بانلق ایتدکاری و ارقه داشلری طرفندن برتفنگ سسی چیقه رق قوشه رقدن کلدکارنده ایکی ارمنی مقتول و بریسه ده فرار ایده رک حاجی تعقیب

طونه رق اوچنی دخی دردست و قرق آلتی مناط ایله بر عدد بیاض مجیدی یه و اوچپوزک و برریوولور و برقلنج غضباً اخذ و صالح ایله طماغه چیقوب عودت ایتدکارنده مرقوموندن ایکیسی قتل اولمش و بریسی دخی فرار ایش و حاجی ایله عثمان اوزرلنده طوردهش اولدقلمر و مقتولرک نعلشر بنی دفن ایتدکاری و اشیای مغصوبه دن کندوسنه سکز غروش و یردکاری و الدقلمر ساعتی دخی صالح اخذ ایلدیکنی و صالحده بر روسیه کاری باردین و عثمان ایله حاجینک الرنده دخی بررقیاقلی تفنگ اولدیغنی و مغصوب اسبلرده موجود بولندیغنی حالده رفیقلمرندن حاجی و عثمان تلف ایتدکاری و پیدروسک مواججه سنده دخی مرقومی طانیدیغنی و ایشو جنایتی ایشلدیکنی اقراری محرر اولوب واقع اولان مبانیت استفسار و استکنانه اولندقده کندوسنه و یردکاری سکز غروشی ارمنیلرک قتل ایتدکاری کورنجه قبول ایتدیکنی و فعل غضبه مشترک ايسه ده قتلی ایقاع ایتدیکنی و ساعتیده صالح المدیغنی و بوندن ماعداد قرائت اولنان افاده کندوسنک اولدیغنی تذکار ایلدیلر متهلر دن وفات ایدن حاجینک افاده مضبوطه سی دخی متهلرک مواججه سنده قرائتله اقرارلری و جهله ارسین و کیورق و پیدروسی معاً دردی برلکده دردست و معلوم المقدار اشیای و حیوانلر بنی غضب و پیدروسک باشنه بردفعه برقه اوره رق جرح

و فرار ایتسنه مینی تعقیب و اولاشه مدیغندن عودت ایدر ایکن عثمان و متهلر مرقومان آتله را کب اوله رق کندو طرفنه کلدکاری بنی و موقوف اولان ایکی ارمنینک احوالندن سؤال ایلدکده (آنلری قتل و دفن ایتدک) دهرک عثمان طرفندن بیان قلمدیغنی و محی ده (انلر دن بریسی مطلقاً برحیاتدر) دیوسویلدیکنی و کندوسیه عثمانده بررقیاقلی تفنگ و صالحده بر روسیه کاری باردین تفنگی اولدیغنی و مجیده ده برقلنج بولندیغنی و اون ایکی مناط ایله ساعت صالحه و درت عباس یعنی سکز غروشده محی یه و یرلدیکنی و بر بیاض مجیده ده کندوسنه و یریلوب قصور بنی عثمان کوتوردیکنی و مقتولرک اشیای سندن بر آرقه لقی و بر طون کندو خانه سنده و برشلوار ایله بر آرقه لقی مجیده موجود بولندیغنی مصرح اولمقله متهلر مرقومانه عطف اسئله اولندقده مجینه قلنج اولدیغنی و ساعت و اچقه بنی ده المدقلمر و ادیسنده اصرار و حاجینک پیدروسی تعقیب ایتاسنده تپه اوزرنده طوره رق و حاجی عودت ایدرک ارسین ایله کیورق قتل ایتدکاری بنی کور دکارنده و ذاتاً اولجده رضاملری اولدیغندن همان فرار ایتدکاری بنی بیانله حاجینک اولب ابدیه کی افاده سنی تکذیب و انکار و بونلر دن محی مذکور آرقه لقی ایله شلوار خانه سنده اولوب اولجده حکومته تسلیم ایتدیکنی اقرار ایلدیلر

اثنای وقوعه جرح ایدلمش اولان اوسب اوغلی
 بیدروسک افاده سیده تدقیق وقرائتله کندولرینی
 متهمونک دردی برلکده اولدقلری حالده دردست
 واشیا وسائره سنی اخذ وغصب ایش اینه لرده
 صالح ایله محیمک قره غول بکلدکلرندن وکنندوسنی
 حاجی جرح ایدرک فرار ایدنجه یه قدر مرقومان
 طرفندن جرح و قتل کبی بر معامله ایقاع ایدلمدیکندن
 فرار ایتدکلن صکره تبه اوزرنده طوران مرقومان
 صالح ومحمی رفیقارینک نزدینه اینه رکنه یابدقلرندن
 خبری اولدیغندن و عندالارائه جله سنی ارايه
 وتشخیصدن و وقوع حالی تمامیه حکایه دن عبارت
 اولغله شو جهت دخی متهمان مرقومانن صورلدقده
 قره غول بکلمش اینه لرده بیدورسک فراری ایتاسنده
 کندولریده تبه دن اینه رکنه و حاجی دخی عودتله
 عثمان ایله معاً آرسین ایله کیورقی قتل ایتدکلرینی
 کوره رکن فرار ایتدکلرینی واشبو ماده بی طوغماً
 بالرضا اقرار واعترافله میدانه چیمسنه تسهیلات
 ارايه ایتدکلری جهتله معافیتلری لازم کله جکنی
 بیان ایلدیله اوراق میسانده بولنان جرم مشهود
 ضبط ورقه سیله طبیب طرفندن ویریلان راپورتودخی
 لدی القرائه ضبط ورقه سنده مرقومون آرسین
 وکیورق ویدروسنی ذکرک مبایعه ایتک اوزره
 بایزیدک چیقور کویلرینه کاهرک اورادن دیادینه
 عزیمت وعودتله موصون وبعده دو طاق قریه لرینه
 کیدرک آله جقلرینی طلب واورادن کولک کدیکی
 نام بکلدن مرور ایتدکلری قرای متجاوزه اها لیسندن

تحقیق قلندیغی وبروجه محرر درت پیاده مسلح
 اوله رق قارشولرینه چیقورق مرقومون دردست
 واشیا والبسه لرینی غضب و بولردن رسین ایله
 کیورقی قتل ویدروسیده جرح ایتدکلری قزار
 آغانک افاده سنندن اکلشلدیغی و مرقومک نعلشلی
 دخی کوریلرک قورشون وخنچرله برقیج برلرندن
 مجروح بولندقلری وطیبیک فی ۲۷ ایلول سنه
 ۳۰۲ تاریخلور راپور توسنک خلاصه سی دخی
 آرسنیک وجهی وسینه وبطنی اطرافنده کوریلان
 ازبقره لرمضرویدن اولیبوب اوزرینه قونیلان
 طاشلرک تأثیر اتندن متولد اولدیغی و بویوننده
 دخی بر جرحه کبرا مشاهده اولنه رق بویون
 کیکلرینک مفاصلی بیلندن کچرک شریاز واعصاب
 وسائر اعضای مهمه سنی وقرطلاغنی دخی قطع
 ایدرک قفاسی مرتکز بولندیغی وینه نافیله ظهیریله
 ایسرنده وصول کورکک اوزرنندن مرور ایدرک
 یکریمی اویج سانتترو طولنده واون ایلی سانتترو
 عرضنده عمیق وقلبه تأثیر ایتش بر جرحه دخی
 رؤیت ودیکر کیورقک دخی جبهه سناک وصول
 طرفندن دخول ومقابل جهندن خروج ایدن
 سطحی بر جرحه وینه وصول طرفندن دخول
 ایله مقابلی جهندن خروج ایدن سطحی مبرمرمی
 وکذا ناحیه قلبیه سنده کوکسی کیکنک حالیدن
 مابعدی وار

اعلان

قاضی قریه سنده موده جاده سنده اقامت ایتدیکنی
 خبر ویرن تبعه دولت علیه دن بقال بدوس ولد
 طرانده فیل ایله اوسته سی دیگر بدوس و چراغی
 دیونس وایتالیایا دولت فخرجه سی تبعه سنندن
 موسیو ادوار وانکلتره دولتی فخرجه سی تبعه سنندن
 موسیو قارلو بورج میانلرنده متحدت ضرب دعوی
 اسنک اکیال محاکمه سی ضمنده تنظیم وارسال قلنان
 جلبنامه اوزرینه مرقوموندن بدوس ولدصرافک
 عیبوت ایلدیکی قاضی قریه سی روم مختاری
 طرفندن ویریلان شرحدن اکلشلفله محاکمه
 علیه سنک جریانی اشبومارت رومنک طقوزنجی
 چهارشنبه کونی ساعت بشده اسکدار بدایت
 محاکمه سنده مقرر بولنش اولدیغندن مرقوم بدوس
 ولدصرافک بوم مذ کورده محاکمه ده حاضر بولنشی
 بولنه مدیغی تقدیرده اصول محاکمات جزائیه
 قانون موقتک بوز یتمشنجی ماده سی حکمجه
 حقه ده معامله عیبایه اجر اولنه جغی و اصول
 محاکمه حقوقیه قانون موقتک یکریمی نتیجی
 ماده سنه توفیقاً تنظیم قلنان جلبنامه محاکمه دیوانخانه

سنه تعلیق قلندیغی اعلان قلنون

فی ۲۵ جادی الاخر سنه ۳۰۵

فی ۲۵ شباط سنه ۳۰۳

حیارسومک علیه نه اقامه اولنان ساخته کارلاق
 دعوا سنندن طولانی لاجل المحاکمه واقع اولان
 دعوت اوزرینه مرقومک اقامتکاهی نامعلوم اولدیغی
 مباشری کوچک ابراهیم وسلامی علی افندی
 ارمنی مختاری واسته نطاق دائره سی قرار نامه سنده
 محررقیددن اکلشلس اولغله معامله تبلیغیه سنک
 اجراسی بالطبع ممکن اوله ماش واجرایی محاکمه سی
 ایسه مارتک یکریمی طقوزنجی صالی کونی ساعت
 بشده اسکدار بدایت محاکمه سنجه محاکمه علیه سنک
 اجراسی مقرر بولنش اولدیغندن بوم مذ کورده
 مظنون علیه ک بالذات محاکمه ده اثبات وجود ایتمی
 وعکس حالنده اصول محاکمات جزائیه قانون موقتک
 بوز یتمشنجی ماده سی حکمجه غیباً ایفای معامله
 اولنه جغی و اصول محاکمه حقوقیه قانون موقتک
 یکریمی نتیجی ماده سنه توفیقاً تنظیم قلنان جلبنامه
 محاکمه دیوانخانه سنه تعلیق اولدیغی اعلان
 اولنور

فی ۲۷ جادی الاخر سنه ۳۰۵

فی ۲۷ شباط سنه ۳۰۳

قسطنطونینی احمد بن صادق علیه نه اقامه اولنان
 فعل شنیع دعوا سنندن طولانی لاجل المحاکمه
 واقع اولان دعوت اوزرینه مرقومک اقامتکاهی
 نامعلوم اولدیغی طابور مذ کور بیکباشیسی

وساعت بش قرار لرنده محل مذ كورده حاضر
بولنملى بك اوغلى بدایت محكمه سى اجرام موريتى
جانبدن اعلان اولنور

في ۱۶ شباط سنه ۳۰۳

قسطى وپنايوط ونيقولنك در سعادت بدایت
محكمه سى برنجى حقوق دائره سندن في ۴ مایس
سنه ۳۰۳ تاريخلى اعطاق لنان اعلام مرجبجه
اپوستول ولد صوتيرى ذمتنده الاجنحى بولنان
مبالغ معلومه نك تا مین استيفاسیچون مديون
مرقومك عهده سنده اولوب تحت حجزه الديريلان
منلاخسرو محله سنده كوچك مصطفى پاشا جا سنده
كاش شهری بوز يكرمى غروش كيرا كتورر قرق
درت نومرلى مقدماتو تونجى واليوم بقال كانك
ملك وكد كنك تمامى بوندن اول بالمزايده ليرا
بوز غروش سندن اولمق اوزره يدى بيك بش بوز
غروشده طالبى عهده سنده تقرر ايتمش اوليغندن
بوندن زياده يه يوزده بش ضميلاه طالب ولنرك
وده از ياده معلومات المق استيانلرك تاريخ اعلاندن
اعتباراً اوتوز بركون ظرفنده در سعادت
اعلامات نظاميه اجرا دائره سنده مراجعت ايللرى
اعلان اولنور

في ۲۵ شباط سنه ۳۰۳

عزت و مادل بلك در كنارى و موقع قوماندانلغتك
اشعارندن اكلا شمش اولغله معامله تبليغيه سنك
اجراسى بالطبع ممكن اوله ماش و اجراى محاكمه سى
ايسه مارتك اوتوزنجى چهارشنبه كوني ساعت
بشده اسكدار بدایت محكمه سنجه محاكمه
عليه سنك اجراسى مقر بولنش اولديغندن يوم
مذ كورده مظنون عليه نك بالذات محكمه ده اثبات
ايتسى وعكس حالنده اصول محاكمات جزائيه قانون
موقتك بوز يتشجى ماده سى حكمه سنجه غياباً ايفاي
معامله اولنه جنحى و اصول محاكمه حقوقيه
قانون موقتك يكرمى التجبى ماده سنه توفيقاً
تنظيم قلنان جلبنامه محكمه ديوانخانه سنه تعليق
اولنديغى اعلان اولنور

في ۲۷ جمادى الاخر سنه ۳۰۵

في ۲۷ شباط سنه ۳۰۳

باربارس قادينك $\frac{۳۰۴}{۸۴}$ نومرولى اعلام موجبجه
سه مادتلو حاجى لطيف افندى به محكوم به دينى
اولان معلوم المقدار مبالغك تسويه سى ضمننده
محجوز اولوب فروختى مقرر اولان بر عدد تيمور
قاريوله بر عدد مرمرلى بورو و بر چفت لمبه و بر عدد
يالديزلى آينه و بر عدد كره ارض و بر عدد مدور
صفره ماه شباطك يكرمى يدنجى جمعه ايرتسى
كونى طوبخانه ده بات بازارنده بالمزايده فروخت
ايتديريه جكندن طالب اولنلرك تعين اولنان يوم